

## **Ukuya Fye ku Mwisulo wa Kubuka**

*“Moneni, ndemwebe cankama; Tatwakalale bonse, lelo tukaaluka bonse, mu kashita akaninini, muku kapakapa kwa linso, pa ntandala ya kupelelekesha; pantu intandala ikalila, elyo abafwa bakabushiwa abashingabola, na ifwe takaalulwa. Pantu ici icilebola cili no kufwalo kukanabola, kabili ici ca mfwa cili no kufwala ukukanafwa” (1 Abena Korinti 15:51-53).*

Moneni. **Munshila yenu ukulakula ku mwisulo wa kubuka**, ukutungululwa no mupashi. [1]

Bushe teti mumone tuli ku mpela ya nshita? Cena nacipwa. **Icintu cimbi icilekonkapo...lilye bumba ilinono capamo. Mu mweshi umo atemwa na imbipo wene akaya, lilya line fye ilyo wene akalongana capamo.** Cisuma, ifwe tuli ku mpela. Takuli isubilo ilisheleko nangu kumo. Butukileni kuli Kristu, mwe bantu! (*Imilimo ya Batumwa 1:1-11*). [2]

Kabili lyena, ibukisheni, **nga twaya ilyo Ena talaisa, ifwe tukaba mu mulu kabili mu Mulola Wakwe, atemwa ukubushiwa ilyo bambi tabalapilibulwa.** *“Intandala yakwa Shikulu ikalila, abafwila muli Kristu bakabuka intanshi. Elyo ifwe fwe ba mweo fwe bashalapo takapilibulwa mu kashita, mu kukapa kapa kwe linso, tokulwilwa na bo capamo mu makumbi ku kukumanya Shikulu mulwelele” (1 Abena Tesalonika 4:13-17).* **Lolekesheni pa butantiko bwa kubuka.**

Mwamona, Lesa aliishiba ukutila tulekabila ukumona abatemwikwa besu. Kabili nga twaya kulya uku kumwanya Wene intanshi, ifwe kuti tulelelekesha uku no ku ukumona nga cakutila mayo atemwa taata kabili na bashala muli bena bali kulya. Lelo moneni umusango, Umupashi wa Mushilo mu mano Yakwe? **Ifwe tukakumana umo no mubiye intanshi, elyo kabili ilyo tukafika kulya no kwimba “Ukusenamina ukwa kupapusha,”** lilya e lintu kukaba **inshita ya kushinshimuna.** [3]

...mpaka ilye ntandala ya kulekelesha ikalila. Kabili na mwishiba, ifwe tukolwilwa pamo uku kumanya Shikulu mu lwelele. Tontonkanyeni pali cena. **Abantu nabaluba, bena teti bamumone nakabili, lelo muleisa capamo ne bumba ilyashala.** “Abo abali no mweo kabili abashalapo ku kwisa kwa kwa Shikulu tabatwaka kanye (atemwa ‘ukucingilila,’ icebo cili) balya abalala. Ta bafwa, iyo, **Abenakristu tabafwa.** Bena bakwete fye ukutusha ukunono; epela fye. Owe, mwe. “Kabili intandala yakwa Lesa ikalila, kabili abafwa muli Kristu bakabalilapo ukubuka, ukumoneka ku bengi...” Kabili **pa mu kufye umo mukaba na mwiminina no kulolekesha, kabili “Cisuma, ulya palya munyina...”** Kabili na mwishiba tapakakokole. Mu ma miniti ayanono ifwe takalulwa mu kashita mu kukapa kapa kwe linso, kabili capamo na bena tukuluba pe sonde, ukwilulwa **ukukumanya Shikulu mu lwelele (1 Abena Korinti 15:51-55).** [4]

Kabili ilyo batila inshishi shikesuka, musangonshi inshishi shikesuka ilyo...Nshikwete inshita ukwisa muli ici, ifyø nacilafwaya ukucita. Nala kwata ukusenda ici...Ukumilangisha fye ukuicefya ukwa kwa Lesa. Kabili

ilya kashamu, potash, ne fintu fyonse ilyo...**Ilyo ifintu fyonse ifyaba muli imwe ifya pangwa fisula fye supuni...**Cilya cishinka. Kabili ifyo cilya cicita filatobekela ukubwekela mu mupashi no mweo...**Lesakalanda fye kabili ukusendwa ku kesa** Tacili ukuya kunse kulya kabili ba Malaika ukwika no ku fumye loba pa nshishi no ku fumyamo icitumbi icafwa umu. Cena ni cinshi? **Cena cafyalilwa mu lubembu icakubalilapo, lelo umo uupya uwapangwa mu cipasho ca buko** (1 Abena Korinti 15:35-50). [5]

Ilipusho kuli Munyina Branham: *Cikaba icipasho ca musango shani tukakwata mu kubuka?*

**Nge fyo ifwe twali ilyo twaile panshi.** Filya fine, ukubuka...Tontonkanyeni fye pali ici. Ili buku lyaponena panshi, kabili nasenda ili buku, ibuku limbi, kabili no ku pyanishapo limbi. Kulya te kubuka. **Ukubuka kuli “kuleta imo ine iyo iyaile panshi.”** Bushe Yesu ali bukile? Bushe bali mwishibe Wene? Bushe Ena aliiminine na bena, Yesu umo wine? “Kabili uyu wine Yesu uwasendelwe mu mulu, Akesa nakabili ngefyo Mulemumona aleya” (*Imilimo ya Batumwa 1:9-11*). **Ukubuka kwaba fye ngefyo mwafwa; e fyo mukabuka.** Imwe mulafwa ngo muntu mu mubili; imwe mulabuka, umuntu mu mubili. Cilya ni filya fine fye. E ico ukubuka kwaba fye cimo cine. [6]

Pa bushiku bwe Pasaka ulucelo alibukile, kabili Mateo 27 itila **ukutila imibili iingi yaba mushilo abo abalele mu lukungu lwe sonde, yalibukile, kabili baishile mu musumba, kabili no kumoneka ku bengi mu musumba** (*Mateo 27:51-53*). [7]

Iciñtu fye ceka lulingile ukucita, cili ku nshita ya cishilwa ca kwa Lesa ukushinguluka mpaka inshita

yakwisa kwa Mwana wa kwa Lesa. **Kabili cila cibumbwa ica mweo ico icatalile ukufwa muli Kristu bakesaisa nakabili mu Mulola Wakwe, ukwibukisha Wene.** Owe, ilyo nkesa ku mpela ya musebo wandi, ndefwaya ukufwa mu Mulola Wakwe, ukwibukisha Wene, ukutila Ena e Kubuka no Mweo (*Yohane 11:25-26*). Ena ni Ulya.

Kabili Ilyo ulukuta lyaisa kuli cilya icifulo, **icakutila Kristu apilibula ifingi nganshi kuli ifwe icakuti ifwe tulakwata icilaka ukuya mu Mulola Wakwe kabili na umo no mubiye, cena ni Ntulo ipela Umweo.** Takuli ciwa uwinga mucimfya imwe. Nangula ni mfwa ine intu yacimfiwa kulya. Owe, ifyo lyaba isubilo, ifyo yaba incende! Ukuyumfwiwisha bwino fwe bene. Kabili mu kucita cilya, ukwibukisha Kristu e Ulya Uyo uwa lengele cicitwe kuli ifwe. Ena e Ulya Uyo uwatucitile ifi fintu; tulingile ukwibukisha Wene. Pantu ibukisheni, limo twali abalebeshi kabili ukwabula Lesa, Abenafyalo, abasendwa no tulubi utushilanda. Lelo ibukisheni, **Kristu afwile** te pa mulandu wa ba Yuda, **lelo ku cibumbwa conse ca mutundu wa kwa Adam icawa,** Kristu alifwile (*Abahebere 2:8-10*). [8]

Les a langishe ukupitila muli Abraham, ifyo **Ena alungamike** Abraham, icipandwa ca 12 ca Kutendeka. Kabili pali ici pesamba, icipandwa ca 16, ifyo Ena ashininkishe icipangano ukupitila mu **ku shishiwa.** Pa cipandwa ca 17, lekeni wene onke ukufuma kwi bele Lwakwe; **ukuletamo Mupashi wa Mushilo. Kabili lyena Ena ashininkishe, atemwa ali mubikile wene,** asendele Abraham panse no kupilibula ishina lwakwe ukufuma kuli Abram ukwisa kuli Abraham, amupele iciputulwa ce Shina Lyakwe, Elohim, h-a-m. Lyena

tulesanga ukutila, panuma ya cilya, **Ena amoneke kuli Abraham** (*Ukutendeka 18*).

Nomba, ku wa Bufyashi wakwe, moneni ifyo Ena acitile kuwa Bufyashi wakwe umusango umo wine (*Abena Galatia 3:7, 29*). Uwa Bufyashi wakwa Abraham bwaishile ukupitila mu **kulungamikwa, ukushishiwa, ulubatisho lwa Mupashi wa Mushilo; ukumonekela kwe Shina Lyakwe, ukusokolola Ifyo Ena aba (bulya ubusokololo Ubo? Yesu Kristu)**, ulubatisho mwi Shina Lyakwe, kabili nafimbipo nga filya, bulya ubusokololo, **ukwa kanya Ishina Lyakwe no lukuta Lyakwe**, aishile beta. Lyena nincishi ico Ena acitile? Muli lulya lumo lwine ulukuta ulo Ena ainike Ishina Lyakwe, Ishina lyakwa Yesu, nicinshi ico Ena acitile? Ena amoneke mu musango umo wine uo Ena acitile kuli Abraham, pakuba uwalinga ukulingulula imipashi kunuma Yakwe. Bushe Ena ali citile? Amoneke muli lilya line Ishina, muli cilya cine icintu, mu musango umo wine. Ifwe tuli fye kumpela ya musebo.

Nomba moneni ico icacitike. **Ilyo Ena acitile cilya, cilya cali icishibilo cakulekelesha ico Ena apele ku lukuta ilyo kupilibulwa takulaisa ku lukuta, kuli Abraham no Sarah** (*Ukutendeka 20*). Nomba, ilyo Malaika alandile inkama, umwanakashi (Ulukuta, ico icaiminineko), wene tekuti aceteketele cena nangu panono, wene asekele fye umwine eka. Kabili Malaika atile, “Cinshi ico asekelo? Cinshi ico acitontonkanisha mukati ka mutima wakwe? Cinshi ico asosela ici?” Nomba moneni, **cilya cali icishibilo ca kulekelesha** lintu icintu cimo tacilacitika kuli Sara na Abraham (*Ukutendeka 18:9-15*).

Nomba, nalishimikile kuno inshita imo, no kumwēba ukutila Lesa alibabwesesho ku mwaume wa caice no mwanakashi. Ukushininkisha cena, wene aile

kulya; bena baile ubulendo ubunono no kuya ku Gerar, na Abimelech, ilye mfumu yaba Peleshite, awile mu citemwiko na Sarah kabili alefwaya ukumupa. Kabili, mucine, ena ali umwanakashi wa caice nakabili, uwayemba. Kabili moneni, Ena alingile ukucita icintu cimo; **Ena aishile mupilibula**. Ena tamubikile fye ukubwelela ku mwaume wa caice no mwanakashi, wene na ena; Ena tacitile cilya; pa mulandu nga bena balicitile, icintu cimo nga epo caba. Mwamona, bena kuti baisa...Pa mulandu ena aupile wene ilyo wene ali nalimo imyaka yakufwalwa ikumi limo na mutanda, kabili ena ali fye umwaume wa caice, kabili baliikele ubumi bwabo bonse ukwabula abana. Nga Ena ali balekele fye, cisuma, bena nga balicitile icintu cimo cine nakabili. Lelo **Ena aishile cita icintu cimo icaibele; Ena ishile bapilibula pakutila bena bengakwata uyu umwana uwabulayo**, umwana uwabulayo bena bali no kupokelela. Lelo **Ena aishile pilibula imibombele yabo yonse**, no kubabwekesha ku bwaice no kubapilibula ukupokelela umwana.

Kabili ibukisheni, panuma ilyo cilye cishibilo calangishiwe ukufikapo kuli Abraham ne bumba lyakwe, **lyena icintu cimbi ica ishile cali kuliya ukupilibulwa**. Nomba, ifwe twalimona ifintu fyonse **ukupitila mu kulungamikwa, ukushishiwa, ulubatisho lwa Mupashi wa Mushilo, ukubikwa kwa bwana**, kabili ne fishibilo ne fipapwa Fya Wene, **ukuba mu Mulola Wakwe** ukulingulula amatontonkanyo ya mutima, kabili na fimbipo, ngefyo Ena asosele: *“Nge fyo cali mu nshiku sha mu Sodoma, efyo cikaba na mukwisa kwa Mwana wa muntu”* (Luka 17:30). Ifwe tulemona cilya ukucitika ino ine nshita. **Cali nicinshi cimbi icakonkelepo? Ukupilibulwa kwa mubili. Nombā,** ukulangisha ukutila tulelelela Umwana tule

**enekela. Ubukata. Bushe cilya cishinka? Ifwe teti tumukumanye Wene muli iyi mibili. Nga twapilibwilwa ku baume ba caice na banakashi, nalyo line teti tumukumanye Wene, pa mulandu tulingile ukumukumanya Wene mulwelele. Kulingile kwaba icintu cimo ukucitwa kunse ka kutupilibula ukubwekela ku baume bacaice na banakashi; ifwe tulingile ukupilibulwa no kwilulwa mulwelele no ku kumanya Wene. Kabili icintu cimbi icileisa caba ukusendwa kwa lukuta, kabili no kupilibulwa kwa mubili waba mushilo abalala uku kumanya Shikulu Yesu mulwelele. [9]**

Ulukuta, nga mwaliipatula mwebene ukufuma ku cilonganino na fyonse ifyakowela ne fintu ifya ili sonde, kabili na fyonse filya fintu ifya mikatilila mu fisumino ifya pangwa no muntu, ne fipope, ne fintu nga filya, imwe mwaipatwile mwe bene, **lolekesheni mu mulu. Iteyanyeni! Umulilo uuli no kuwa bumo muli ishi nshiku.** Lesa ali nokuleka Wene ukwisa, mu mimonekele ya kupapusha. **Bushe mukaba abaiteyanya ilyo Ena akesa? Bushe kuti mwaba abaiteyanya ukuya pamo na Wene ilyo Ena akesa? Ukusendwa ukwa munkama ukwakwa Nabwinga wa kupapusha...**Wene akapangwa ukufuma ku cifwa ukwisa ku cishingafwa; ukwalulwa mu kashita, mu ku kapakapa kwe linso. Ifwe fwe bali no mweo no kushalapo ta twa kacingilile abo abalala.

**Ifwe tuleingila mu nshita imbi; ifwe tuleingila mu nshita ya kusendwa.** Namwishiba, ulukuta teti luye mu mibele ya luko, kabili teti luwamineko; lulingile ukubipilako (11 *Abena Tesalonika*2:1-3). Nibanga abaishiba cilya, soseni, "Ameni." Cena cilingile ukubipisha, kabili teti ciye nge fi. Mwamona, cena

cilingile ukuba icintu cimo, kabili cileenda ino ine nshita, mwe fibusa. Epo kuli, **ukusela epo kuli pali Nabwinga**. Cilya Cine. **Cilya ni EFYO ASOSA SHIKULU**.

[10]

**Ifwe tulelolela umwisulo wa bwana** (*Abena Roma 8:23*). Ici cikacitika lilali? **Pa kubuka kwa ntanshi. Lilya e lintu imibili yesu ikapilibulwa ukufuma kuli ifi fibumbwa ifya fye ifyo twaba** kabili tukakwata umubili ngo mubili wakwe uwabukata, pantu tukamumona Wene ngefyo Ena aba, kabili tukamupala Wene (*1 Yohane 3:2-3*). [11]

Yesu asosele, “Soseni kuli ulu lupili...” (*Marko 11:23*). Kabili mwalyumfwa ifyo ifyacitika; bulya e bukapyunga ubo tuleingilamo. Ifwe tuli palya pa ntanshi mu musebo nombaba. Ili line ukwisa kwa kwa Shikulu Yesu Kristu kabili **ifwe tulingile ukukwata icitetekelo icakusendwa mu lukuta ulo ulwingapilibulwa mu kashita mu kukapa kapa kwe linso ukuya, nga teifyo tatwakaye. Lelo mwisakamana, luli nokubako**. Luli nokubako. Kabili **ilyo amaka ya ulu lukuta yakema**, lukaleta ba munyinabo; amaka ya lulyo lukuta yakema ukuleta ba munyinabo; amaka ya lulyo lukuta ya Kaleta ba munyina bambi; **lyena kukaba ukubuka kwa cinabwingi**. Ifwe tulelolekesha ku ntanshi kuli cena. [12]

Uwakwe ubukalamba, Umulola uwabukata ukekasha isonde. “Ena alesa mu makumbi.” (*Ukusokolola 1:7*). Owe, nalitemwa cilya. “Amakumbi,” **kukaba amatamba panuma ya matamba ya bukata Bwakwe ayekesa pe sonde ponse, kabili no kubuka kwaba mushilo kukesa**. Ilyo ulyo Mupashi wa Mushilo uwapa|wa uyo uwaikela mu mitima yabo, kabili bena bafwile ne fitumbi fyabo ukulala mulya, kabili ifilamba



ukulambatila ku masaya yabo, ne fintu nga filya, bena babikilwe kunse uku munshishi. Itamba ilikamba lya ulya wine Umupashi, kabili na “whoosh,” itamba panuma ye tamba.

“Uyo ukaba uwakulekelesha akaba uwa ntanshi, kabili uyo ukaba uwantanshi akaba uwakulekelesha.” (*Mateo 20:16*). Kuti caba shani muli ulyo musango? **Bulya e butantiko ubwakubuka.** Nshakeshibe nangu umo mu nkulo ili kuntanshi yandi atemwa inkulo panuma yandi. Ine nkeshiba aba muli ino nkulo. Kabili cila nkulo ikesa bwino bwino fye, ngefyo yaleisa ku numa. “Balya abali abakulekelesha bakaba ba ntanshi.” Mucine, cilingile ukuba. Mwamona? **Nkeshiba abantu bandi.** Umuntu ulekonkapo, ba taata bakeshiba abantu babo; ba shikulu wabo, abantu babo, ukuya fye kunuma nga filya.

**Itamba panuma ye tamba, itamba panuma ye tamba,** kabili aba mushilo ukubuka ukufuma ukuli konse, bushe cilya tacakabe icawama. Ameni. <sup>[13]</sup>

Ilipusho nalimbi: *Bushe Nabwinga akalonganikwa capamo mu ncende imo mu kusendwa...?*

**Ee, Nabwinga akalonganikwa capamo mu ncende imo. Cilya cishinka, lelo mpaka ukubuka.** “Pantu (ifwe fwe bali aba mweo no kushalapo ku kwisa kwa kwa Shikulu...)” *“Ifwe fwe bali no mweo no kushalapo ku kwisa kwa Shikulu ta twakakanye (atemwa ukucingilila) balya abalala (isonde lyonse); pantu intandala yakwa Lesa ikalila, kabili abafwila muli Kristu bakema, kabili tukulwilwa pamo nabo ukukumanya Shikulu mulwelele.”* E ico kanshi **Nabwinga onse akaba pamo ilyo akaya mu kukumanya Shikulu.** Akaba pamo, Jelo tacilepilibula nganshi ukutila bonse balingile ukwikala pa ncende imo nge fi; pa mulandu Nabwinga

alilala mu lukungu lwe sonde mwi sonde lyonse, ukufuma ku Arctic ukwisa ku cende ishakaba, kabili ukufuma ku kabanga ukuya ku masamba, ukufuma ku kwa kulyo ukwisa ku kwakuso.

Yesu atile, “Ilyo Mwana wa muntu akamoneka” (*Mateo 24:27-31*), cinshi, atile, “Cikaba ngo Lubuuto ulo lubalika ukufuma ku kabanga ukwisa mu masamba.” Icintu cimo, **kukaba ukubuka, ukusendwa, kabili kulya kukaya.**

Ukubuka kukabako intanshi, ukubuka kwa balya abo abalala. Kukaba inshita yakubuka, kabili na balya abalala mu lukungu nombamba, te balya abalala mu lubembu, pa mulandu bena balelala ukutwalilila. Bena tabalebuka na imbi imyaka ikana limo. Lelo balya abalala mu lukungu bakabushiwa intanshi, kabili **iyi mibili ibola ikafwikwa icishibola mu kusenamina ukwa kusendwa ukwa kwa Shikulu. Kabili lyena ifwe bonse tukaba pamo. Kabili ilyo bakatendeka ukuba pamo, lyena ifwe fwe bali no mweo no kushalapo tukaluka** (*1 Abena Tesalonika 4:15-17*).

Iyi mibili imfwa tayakamone imfwa, lelo mukupumikisha fye, kukaba kwati ukupyanga ukupita pali ifwe, kabili mwali aluka. Imwe mwabwekeshiwa ngefyo Abraham ali, ukufuma ku mwaume umukote ukwisa ku mwaume wa caice, ukufuma ku mwanakashi umukote ukwisa ku mwanakashi uwacaice. Ni cinshi uku ukwaluka ukwakupumikisha? Kabili **panuma ya kashita muleenda nge tontonkanyo, kabili imwe kuti mwamona balya lilya abo ababukile kale.** Owe, ifyo yaba ora! **Lyena tukalongana pamo na bena** elyo kabili tukulwilwa pamo nabo uku kumanya Shikulu mu lwelele.

Cen<sub>10</sub>a tacili icikankala, nga cakutula ba yama benu bashikwa kulya mu southern Kentucky, ukutula

balingile ukuletwa mu Indiana, atemwa ukushikwa mu Indiana balingile ukubatwala ku southern Kentucky. Te mulandu uko bali no kuba...Balya abafwile muli bamba bakabuka ukufuma muli bamba. Balya abaonawilwe muli cilye cibansa no kubalya ku nkalamo, balya abaposelwe mwilungu Iya mulilo kabili nangula amafupa tayakashaleko atemwa ulukungu, bena nalyo line bakema. Nga cakutira bakaba mu Rome, atemwa mu cibansa ku Rome, atemwa nga cakutira bali mu mitengo mu ncende shakaba sha ku kapinda ka kukuso, atemwa mu ncende ishatalalisha isha ku kapinda ka kukulyo, bena bakema ku bafwa no kwalulwa no kubemya; **kabili aba mweo bakaluka mu kashita, mu kukapakapa kwe linso no kwilulwa capamo.**

Lolekesheni ba minshoni abafwile mulya mu mabala ya Africa. Lolekesheni kuli balya abafwile kulya mu ncende ishatalalisha isha ku kapinda ka kukuso. Lolekesheni kuli balya abafwile mu cibansa, isonde lyonse, mu Congo, kabili monse mwi sonde lyonse. Bena balifwa ukuli konse mu China, Japan, ukushinguluka isonde; **kabili ukwisa kwa kwa Shikulu kukaba isonde lyonse, uku kusendwa kukaba.**

**Moneni ukukwaluka! “Bakaba babili mu busanshi; nkasenda umo no kusha umo,” inshita imo ine, “Bakaba babili mwibala; nkasenda umo no kusha umo,” umo ku lubali lumu ukwafita kwi sonde kabili umbi ku lubali lumu ukwabuta kwi sonde (Luka 17:34-36). Kukaba ukusendwa kwe sonde lyonse. Ee, ulukuta lukaba lonse capamo, lelo panuma, panuma ya kubuka kabili no kusendwa kwa isamo. [14]**

Mwatila, “Bushe Mupashi wa Mushilo Cikakatikilo?” Abena Efese 4:30 atile, *“Mwilenga Mupashi wa*

*Mushilo wa kwa Lesa ubulanda muli uyo mwakakatikilwako mpaka ubushiku bwa kulubuka kwenu.*” Cilya ca cine cine, Icikakatikilo ce Pasaka ca cishinka. **Cilelangisha ukutila ulubembu lwalilipililwapo, pali imwe, kabili Lesa na sumina imwe, kabili imwe na mukakatikwa muli Kristu ku Mupashi wa Mushilo.** Ulubembu nalupwa. Icikakatikilo ca Muyayaya nacipwishiwa. Nomba, **ifwe twalibushiwa ilelo.** Cinshi teti tukwatile inshita ya musango ifi mu fintu fya kwa Lesa? Pa mulandu twalibushiwa. *“Abo alingile libela; Ena aitile; abo Ena aitile, Ena alungamike; abo Ena alungamike, Ena alibacindamike.”* (Abena Roma 8:30). **Lyena ifwe nomba twalibuka. Ifwe twalibuka ukufuma mukati ukwisa kuse, te kufuma kuse ukwisa mukati.** Owe, bushe na mumona, te kukakatikwa kuse uyu musango, lelo ukukatikwa mukati. Ifwe nomba twalibuka, twalibuka kale. Musangonshi mwaishiba? Baibele eflyo yasosa. Ameni. Ifwe nomba twalibuka. **Ifwe nomba twalibuka pamo Nankwe mu kubuka kwa bumupashi.** Ni cinshi ishiwi “ukuletwa ku mweo” lipilibula? “Ukuletwa ku mweo” cipilibula “ukubuka.” **Cilya cishinka.** Ifwe twalibuka kale ino ine nshita, **ukwikala capamo mu ncende sha mu mulu muli Kristu Yesu** (Abena Efese 2:6). **Musangonshi ifwe? Ku Mupashi umo ukubatishiwa mu Mubili, kabili no kukakatikwa umuyayaya.** Ifwe nomba twalibushiwa muli bumupashi. Ni finshi ifyo twa bushiwako? **Ukufuma ku bumi bwa lubembu; ifwe twali limo aba bembu kabili twalitemwenwe ifintu fye sonde.**

Nomba, cilya e co Lesa alecita ku Lukuta Lwakwe. Ena alewamyabantu, kabili no kupanga lwenamumu musango uwapwililika nganshi, icakutila ilyo ilibwe lya pa Mufu, Kristu, akesa, likalinga icikulwa capamo, kabili

lyena ukubuka kwa cintu conse, ulukuta lukaya mu mulu. [9]

Mwikatala leka Satana ukumweba ifintu fimbi ifyashala. Pakuba icilundwa ca umo no mubiye, ifwe tuli cilundwa ca kwa Lesa, kabili tuli bakayabanabo aba Bufumu, **ukwipakisha aya mapalo capamo aya kubuka.**

Kabili nombamba mwali buka kale. **Ilyo Lesa abushishe wene, Ena abushishe imwe; Umwana ali fye nombamba pali imwe (Abena Roma 6:4-6). Kabili nombamba mulekula ukuya mu Bumi ubwa wama nge fyo Wene ali no kubuka umupwilapo muli bulya bushiku bwakulekelesha.** Amaka ayo mukwete nombamba. Cinshi mwaishiba? **Umweo wenu wali aluka,** bushe tawacitile? **Umubili wenu waishile mukunakila kuli Cena,** bushe tawacitile? Ku kunakila kuli cinshi? Ulukuta? **Icebo, ico caba Umweo. Lyena imwe nombamba na mubushiwa ku bafwa.**

**Ifwe bonse twalibushiwa capamo** kabili tukesa buka pa bushiku bwakupetelekesha nangula imipashi yesu ikashe umubili wenu, nangula imibili ilakwata indalawa, shingaya ku lukungu, shingocewa, shingaba pe samba muli bamba Baibele itila Malaika apongolwele iyakwe pali bamba ne fintu fyonse ifyafwile fwalibukile. **Takuli nangu cimo icingatufisa atemwa ukutupatulanya ukufuma kuli ulya Lesa uyo twa temwisha nganshi, uyo uwatwimishe bonse capamo (Abena Roma 8:35-39).** [1]

Nombamba, moneni, **ilyo aya amaka ayakwa Lesa yaisa mu mwana wakwa Lesa, yalamuleta ku mweo; Umupashi wa Mweo ulengila muli wene. Lyena ni**

**cinshi ico cicita?** Cilababika bena mu ncende sha mu myulu, ino ine nshita, te kutila bakaba, **ifwe tuli nomba**. Nomba twalibuka kale; amaka ne fibombelo fili na fiya muku bomba ukuleta ku mweo kuli ifwe, kabili **ifwe twaletwa ku mweo mu Mulola wakwa Lesa, uko Umupashi Wakwe uuli**. Kabili nomba natwikala capamo mu ncende sha mu myulu muli Kristu Yesu: muli Kristu Yesu, ukwikala mulya, ukubushiwa ukufuma ku bafwa. Ifwe tuli ciputulwa ca cena. **Nga muli cilundwa ca kwa Nabwinga, imwe muli, pa mulandu Nabwinga aba cilundwa cakwa Shibwinga, namwishiba** (*Abena Efese 5:30-32*). E ico tulesanga ukutula caba icintu cimo cine, kabili Wene akacita filya fine ifyo ifyalandilwa kabela kuli Wene ukucita muli buno bushiku. **Wene takabe Laodikea, nangu cibe shani, uwacifulefule. Lelo Wene akabilimina Lesa, Wene akalaenda mu Mupashi wakwa Lesa.** [15]

Kulingile kwabako Kalenga nga kuliko ifyalengwa (*Abena Kolose 1:15-17*). Kabili nga kuliko ifyalengwa, fyena fyalengelwe na Kalenga. Kabili **umulimo wa muntu uuli onse uulailangisha uwine**. Ena ni kapenta musuma, ena alacita umulimo uusuma, ena alakula. Kabili nga ena ni kalungisha musuma, ena alacita umulimo uusuma. **Umulimo wenu ulangisha fye imwe. Kabili ifyalengwa fya kwa Lesa filangisha Lesa. kabili Lesa alengele ifintu fyonse kwi pange. Kabili ifintu fyonse ifyo ifibomba ipange lyakwa Lesa, ilyo cafwa, cilakwata ukubuka.** Njebeni icintu cimo.

**Kabili ngo muntu abomba ipange lya kwa Lesa, kulabako ukubuka mucine fye nge cintu icili conse.**

Icintu fye ceka mulingile ukucita, cili, Lesa alelelela fye pa nshita, nga filya Ena ali nomba. [8]

**Abasenshi abo abashatala bomfwako Imbila nsuma bakabushiwa muli ilya nshita** (ilyo Kristu na Nabwinga bakesa mu Millennium), kabili abana bakwa Lesa bakasokololwa. Nga ena akateka, ena alingile akwata icintu cimo icakutekako; ena nakwata ubufumu. **“Kabili bena ba kateka no kuba no lupaka na Kristu,”** kabili Kristu atekele ne nkoto yacela inko (*Ukusokolola 2:26-28; Ukusokolola 5:9-10; Amalumbo 2*). **Lyena abana bakwa Lesa abasokololwa no lupaka fye ngefyo Ena akwete ilyo Ena ali pano,** kulya kukesa millennium kuli kulyo kuteka (*Ukusokolola 20:4-6; Abena Roma 8:18-21*). [16]

### Umwakumona:

- [1] “Nimukutula Kwa Kasuba” (65-0418M), pg. 29, 50, par. 201+345-347
- [2] “Ukufumyapo Ukutitikishiwa” (62-0518), par. 112
- [3] “Yehobah Yireh Part 1” (62-0705), par. 12
- [4] “Ukuya Ukuciluka Inkambi” (64-0719E), par. 22
- [5] “Lesa Ukuifisa Umwine Mu Kuicefya” (63-0317M), Seal’s Bk. Pg. 58
- [6] “Ampusho na Masuko” (59-1223), Q-No. 105, COD pg. 507
- [7] “Isreal No Lukuta” (53-0326), par. 76-80
- [8] “Ukwibukisha Shikulu” (62-1209), par. 35-44
- [9] “Icikakatikilo Ice Pasaka Ica Cine (61-0402), par.138-143, 124-134
- [10] “Ukwampana Ukushimoneka Kwa Kwa Nabwinga Wakwa Kristu” (65-1125), pg.

46+55, par. 325+379

- [11] “Ukusokolola Icipandwa Ca 5 Part 1, Icisoka Icalaswa” (61-0611), par. 108
- [12] “Amepusho na Masuko Pa Mupashi wa Mushilo” (59-1219), COD pg. 411
- [13] “Inshita Sha Nkuta Cinelubali” (54-0512), par. 97
- [14] “Amepusho na Masuko” (64-0823M), Q-No. 240, COD pg. 933-935
- [15] “Incende iyapelwa Na Lesa Iyakupepelapo” (65-0425), par. 137
- [16] “Amepusho na Masuko” (62-0527), COD pg.723

Ilibwe Ilya Kukulilako Ilya Bumupashi No. 134 ukufuma mu Cebo icasokololwa ica ino nshita lyatantikwa naba: Gerd Rodewald, Friedenstr. 69, D-75328 Schomberg, Germany. Nga mulefwaya utuma Buku natumbi lembeleni kuli ba Emmanuel Believers Fellowship P.O. Box 440185, Isoka. Cell No. 0966402048/ 0974367607

---

Kuleisa umo ne Mbila iyo ya tonta fye pali Baibele, kabili umulimo uwa mulubilo ukashinguluka isonde. Imbuto shikaya mu mapepala ye lyashi, mufya kubelenga, mpaka imbuto yonse iyalingilwa libela iyakwa Lesa ikomfwe Yena.

(Munyina Branham mu, Conduct-Order-Doctrine“, page 724+